



Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCCCXXXII. ad annum CCCCLI.

Parisiis, 1644

Epistola CV. Leonis Papae I. Ad Iulianum Coensem Episcopum. Nicaeni Concilii auctoritas quasi facienda sit, demonstrat. Iulianum Coensem episcopum, cui hic scribit, grauiter prudenterque, quod ...

urn:nbn:de:hbz:466:1-14584

EPISTOLA CV.

LEONIS PAPÆ I.

AD IVLIANVM COENSEM EPISCOPVM.

Nicæni Concilii auctoritas quanti facienda sit, demonstrat. Julianum Coensem episcopum, cui hic scribit, grauiter prudenterque, quod Anatolii Constantiopolitani episcopi plures ecclesiæ ambitiose affectantis desiderio fauerit, coarguit: amanterque eumdem, ut maior apud ipsum sit vniuersalis ecclesiæ status, quam quod in cuiusquam gratiam ab ipso velit postulare, quæ fine reatu vtriusque ipsorum, nec sibi concedere, nec ei liceat obtainere, admonet.

Leo papa Iuliano Coensi episcopo.

Nicæni Cō-
ciliī aucto-
ritas. DILECTIO tua non ignorat, quam constanti fixoque proposito sanctorum Nicænorum Canonum statuta custodiam, dissolui omnes ecclesiasticas regulas æstimans, si quidquam ex illa sacrosancta patrum constitutione violetur. Quare miror talia te per fratrem & coepiscopum nostrum Lucianum dirigere scripta potuisse, quibus in tantum pro appetitu nouæ literarum * gressionalis interueniens, vt tibi putes aliquid speciale præstandum, si his qui illicite concupiscunt annuero. Quantumlibet autem te affectione complectar, nullo tamen modo poteris obtinere, vt me in excidium ecclesiastici status, vel * suadendo impellas, vel supplicando traducas. Frater enim & coepiscopus noster Anatolius, si diuina beneficia, & mei fauoris assensum sapienter intelligit, satis illi sufficerit, obtinuisse, quod summus antistes de honore episcopatus sui gratias Deo referat, & se ab illicitorum cupiditate contineat; & quicumque illum specialiter diligunt, tali eum debent confirmare consilio: vt impossibilia omnino non quærat; & sibi, talia concupiscendo, non noceat: quia * nullus apud me patrocinii ita poterit adiuuari, vt his al. nullis quæ postulat, calcata patrum constitutione, consentiam. Rescribens itaque ad epistolas tuas, pro ea qua diligo affectione, te moneo; vt maior apud te sit vniuersalis ecclesiæ status, saluberrima olim, & vera ordinatione munitus, al. perad-
dendo quam

quam vt in cuiusquam gratiam a me velis postulare , quæ
sine reatu vtriusque nostrum , nec mihi concedere , nec
tibi liceat obtinere . Data xi. Kalendas Iunias , Herculano
viro clarissimo consule .

EPISTOLA CVI.
LEONIS PAPÆ I.
AD EPISCOPOS PROVINCIAE.

De electione & consecratione Rauennii episcopi
Arelatensis.

*Dilectissimis fratribus Constantino, Audentio, Rustico, Auspicio,
Nicetæ, Nestorio, Floro, Asclepio, Justo, Augustali,
Ynasio, & Chrysaphio, Leo papa.*

IVSTA & rationabilis nobis causa gaudendi est , cum a
sacerdotibus Domini ea gesta cognoscimus , quæ & pa-
ternorum Canonum regulis , & apostolicis congruant in-
stitutis . Necesse est enim , vt omne corpus ecclesiæ salu-
bri crescat augmento , si membra quæ præsunt , & vigore
excellant auctoritatis , & tranquillitate moderaminis .
Quod ergo in Arelatensium ciuitate , defuncto sanctæ me-
moriæ Hilario , virum etiam nobis probatum , fratrem
Rauennium , secundum desideria cleri , honoratorum , &
plebis , vnanimiter consecrastis , bonum fraternitatis ve-
stræ opus nostro iudicio roboramus . Quia electionem pa-
cificam atque concordem , cui nec merita morum , nec
studia ciuium defuerunt , postulationis quidem humanæ ,
sed inspirationis credimus fuisse diuinæ . Utatur itaque ,
fratres carissimi , Dei munere memoratus antistes , & se-
cundum consonantia omnium ordinum vota , quid ex
ipso deuotionis expectetur intelligat : vt dispensationis si-
bi creditæ diligens ac temperans executor , vestro testi-
monio non inferior , & nostro fauore per omnia fit di-
gnior . Deus vos incolumes custodiat , fratres carissimi .
Data vii. Kalendas Septembbris , Asterio & Protogene
viris clarissimis consulibus .